

در سعادتده یکی پوسته خانه قارشوسنده
دايره مخصوصه در

محل ارابه:

مستطابق

انظار:

هيسلکمزہ موافق آثار جديدہ مع المنونبہ قبول اولنور
درج ايديلين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

مؤسسلى: ابوالملا زين العابدين - ح. اشرف اديب

سنه لى الق ايلقى	سنه لى الق ايلقى	در سعادتده
۳۵	۶۵	ولاياتده
۵۰	۹۰	ممالک اجنبیهده
۵۵	۱۰۰	

تاریخ تاسیسی:
۱۱ تموز ۳۲۴

در سعادتده نسخه سی ۵۰ پاره در

قیریلدن مقوا بورو ایله کوندریلیرسه سنوی
۲۰ غروش فضله آلنیر.

در سعادتده پوسته ایله کوندریلیرسه ولایات بدلی اخذ اولنوره

عدد: ۶

۲۲۶ رمضان ۵ پنجشنبه ایلول ۱۸ ۳۲۴

برنجی سنه

نزدینه کتوردوب : پادشاهینک افاده لر یله سنک یلان سویله دیکک اکلادیلدی . ایشک طوغربسنی سویلی سبب دیدی و طوغربسنی سویله دیکندن اعاده سنی امر ایتدی . متعاقباً نه اچلرندن برینی جلب ایدوب استجواب ایتدی ، بو کیمسه [یا امیر المؤمنین بن ارقداشلر مک ایتدکلرینه مع الکراهه اشتراک ایش ، جبر و تکلیف لرینه مبنی ایسته میه رک موافقت ایش ایدم] دیدی . تکرار جمله سنی برلکده نزدینه جلب ایتسپله هپسی و افعه حالی اقرار ایتدیلر و نهایت برنجی مضمون علیی تکرار ایتدی ، دیکر لری کبی اوده طسماً اقرار جرم ایلدکنندن مقولک مالی اثره تضمین ایتدیردی و جمله سنی قصاصاً اعدام ایتدی .

تنبیه

زمانه زده رؤسای حقوق ایله جزا ریسلری ارسنده و ظانفجه فرق بولندی کبی و قتیله « قضاة » ایله اول زمانه کوره جزا ریسی دیمک اولان « والی مظالم » بیننده دخی بالوجوه فرق وار ایدی . سیاست شرعیه ایله تفرعانه متعلق تفصیلاتی آرزو ایدنلر کتب فقیه ایله بوابده مخصوصاً تدوین ایدلش سیاست کتابلرینه مراجعت ایتسون . بو مأخذلر مامالات جزائیه جه حکامک تنویر افکارینه خیلیدن خیلی خدمت ایدر . فقهک قضا ، جنایات ، حدود ، تعزیر کتب و فصولی عرض و عمیق صورتله مطالعه اولنورسه مسائل جزائیه جه مأخذ اتخاذ قانه حق پک چوق اصول و مسائله تصادف ایدیلور و اخلاق و عادات و واقیم و دیار من ایله متناسب حسن مطالعات و نیجه مصیب آرا ظهوره کلور . بو مطالعات اساس اتخاذ قنور و غربک اخلاق و دیار منه مناسب تدقیقات جزائیه سی ده علاوه ایدیلورسه بو ییلده حصوله کلن قوانین جزائیه نک امت اوزرنده دهها زیاده تأیری دهها زیاده نفوذ مینویسی کوریلور ، ملک و ملت کرکی کبی مستفید اولور .

موهبه فطرت بر زمانه ، بردیاره خاص دکلدنر . مسائل علوم هر برده و هر زمان تلاحق افکار ایله توسع و تزاید ایدر . مسائل جزائیه ده شرق و غربک کمالات و ترقیاتی سعی متمادی ایله تتبع ایدیلنجه آسایش مملکتی ، فضائل اخلاق امتی ، حقوق افرادک تعرضدن سیلافتنی مدافعه و محافظه یه تکفل ایدر مطالعه داتر اذهان امتده بر فیض کال اویانور ، نیجه حقائق عالیه کشف ایدیلور ، نیجه نامدار جزائسون ظهور ایدر .

برکت زاده : اسماعیل صفی

خطبه لره د ر

« خطبه » جمعه و بایرام نمازلرنده ، جمعیت و مجلسلرده دینی ، علمی ، سیاسی اوله رق مهم موضوعلر اوزرنده ایراد ایدیلن سوزلره اطلاق اولنور . « نطق » دخی خطبه ایله مترادفدر ، بری دیکرینک محلهده استعمال اولنوبیلور . فقط شریعت غرای محمدیه نک کوستر دیکی مواضع

معینده ایراد ایدیلنلره « خطبه » ، سائرلرینده « نطق » اطلاقی دهها شایعدر .

۱ -

قبل البعثه خطبه

اقوام سائره آراسنده خطبه لره ایلک ابتداسی پک اسکی ذکل ایسهده اسلام خطبه لرینک اصلی اولان جاهلیت خطبه لرینک بدایتی تاریخک دائره اطلاعنه داخل دکلدنر . ادوار جاهلیدهده خطبه لره ک اشتھاری پک اسکی زمانلره طوغرو اوزانوب کیدیور .

خطبه لره ، آثار منشوره نک اک زبده سی اولسی جهتی ملاحظه اولونورسه شعرك اشتھارندن و ابتداسندن اول ، هر بلرک آراسنده خطبه لره وجودینی قبول ایتک لازم کلور . زیرا ، شعر اصلی اعتباریله آثار منشوره نک اک نجبه سی ، اک طائلی خلاصه سی ، طبیعتلره صوک درجه ملایم و مقبول فذلک سیدر . بناء علیه آرا لرینده بر چوق شعرا یتشمش عرب عاربه دورلرنده خطبه لره انتشاری بالطبع ثابت اولور . عرب عاربه آراسنده ظهور ایدن حضرت شعیب علیه السلام « خطیب الانبیاء » عنوان مجلیله معروف اولشدر .

فخر کائنات افندمرک بمشندن اول ارض عربده و بتون قبائل هر بیه آراسنده هر جهتن مکمل ، غایت پارلاق بر روشده اوزمان عربلرینک همیشه لری ، سیاستلری ، افکارلری و عموم حاللری تصویر ایدن بلیغ خطبه لره ، احتفالات عمومیده اوقنوردی .

عرب عاربه نک تکثری اوزرنده قبائل عرب مکه ایله طوائف آراسنده اولان « عکاظ » اسمی قریده هر هفته بردفعه بازار کونلری ، عموم جزیره العربک ایلر و کلنلرینک ، تجارتلرینک ، و بتون شعراء و خطبا سنک اشتراکیله هر سنه بردفعه ذوالقعهده ابتداسنده بر جمعیت احتفالیه تشکیل ایدرلر و یکریمی کون قدر اوراده بولنورلردی . سوق عکاظدن سوکره قبائل عرب مکه قرینده « محنه » نامنده اولان بر محله انتقال ایدوب بوراده دخی یکریمی کون قدر اقامت ایدرلردی ، سوکره جبل عرفاتک آرقه طرفلرنده « ذوالحجاز » نامنده موضعه کلورلر ، ایام حجده بوراده اجتماع ایدرلردی .

جزیره العربک بولردن باشقه یمن بازارلرنده دخی بر چوق احتفالات عمومیه وقوعه کلوردی .

اشبو احتفاللر و اجتماعلر ، ظاهرآ بازار و تجارت میدانی ایسه لرده فی الحقیقه اشعار ادبیه و خطب بلیغه ایله مفاخره و مسابقه دن عبارت بر اجتماع ادبی ایدی : بتون قبائل عرب ریسلری ، ملکری ، سیدلری ، عرفالری ، شاعرلری ، مشهور خطیبلری شواجماعه اشتراک ایدرلردی . هر کس یرویرینه یراشوب مجلس شکل ایدنجه شاعرلر یا خود خطیب وسط میدانه چیقار ، کندولرینه مخصوص آهنگ ایله خطبه و شعرلرینی القا و انشاد ایلردی .

مجلسده و میدانه اولان حضارک هپسی خطبه و شعرلری کال اعتنا ایله اصفا ایدوب سولندیکی کبی حفظ ایتیه غیرت ایدرلردی . حضارک شهادتلری ایله میز ل طرفندن خطبه و شعرلرک درجه لری تعیین ایدیلور ،

بو شرفدن حصه یاب اولمق ایچون عالم علم وفنه کوچک بر خدمت اهدا ایدیورم . بو خصوصده احتمال که حدیعی تجاوز ایدم . فقط بتم غلطی تعحیح ایده جک ، هفواتمی کوستره جک ، قصور لریمی اخطار ایده جک علماء کرام حضر اتندن هیچ بر وقته امیدیمی کسمم . شو خدمتک انسانلره نافع اولسنی ، مقصدیمی ایفا ایتسنی جناب حقندن نضرع ونیاز ایدرم .

تصنیف مباحث

رساله یی بر مقدمه ، درت فصل ، بر خاتمه یه تقسیم ایده حکم .
مقدمه : انساندن وانسانه متعلق احوالندن بحث ایده جک .
فصل اول : عجیب کائناتی تدقیق ایده جک . فصل ثانی : انسانک — علم نفس وحکمت وجود — نقطه نظرندن غرائب احوالندن باحث ارله جق و بو بحثده مشاهیر علمانک سوز لر یله استشهاد ایدیله جک .
فصل ثالث : حیوانات ایله انواع عجیبه سنی موقع بحثه قویه جق .
فصل رابع : نباتات ایله انواع و بدایعندن بحث ایده جک . خاتمه ده ایسه :
بوتون بونلر دلائل علمیه وفلسفیه ایله صورت عمومیه ده تدقیق اولنه جق .

۱

مقدمه

انسانه رانسانه متعلقه احوال

جناب حق «جل شانه» بیور بیور : (ان فی خلق السماوات والارض واختلاف الليل والنهار لآیات لاولی الالباب الذین یدکرونه قیاماً و قیاماً و علی جنوبهم ویتفکرون فی خلق السماوات والارض ربنا ما خلقت هذا باطلا سبحانک فقنا عذاب النار) [۱]

سید الوجود صلی الله علیه وسلم افندمن شویله بیور بیور : (تفکر ساعة خیر من عبادة خمس مائة سنة) [۲]

علماء عارفین ایسه : (ایس فی الامکان ابداع مما کان) دیور لر ،
أوت ، یرلرک کولرک خلقنده ، کوندوز وکیجه نک تحولنده
بر فکر عمیق ایله دوشونلره دلائلر ، علامتلر واردر . بر متفکر ایچون
بر ساعت دوشونمک بش عصر عبادت ایتمکدن خیر لیدر .

نه موطلو او انسانه که حیاته محکوم اولمازده حکمت و بصیرتله تنور
ایدر : بتون بدایعندن ، تکملدن عبارت شو محیط کائناته امان نظر ،
اعمال فکر ایلر ، و تدقیقی شوسلسله منظومه کائناتک اولندن آخرینه
قدر بر فکر عمیق ایله یوروتور ... بو تدقیقده نه قدر زمانلر کچمش ،
نه قدر علما افذای حیات ایتمشده بدایع مصنوعات دن کوچک بر جزئیک
کنهنه ، بر ذره نک سرینه واقف اوله مامشدر . انسان نه زمان امان
نظر ایتسه بر انتظام مجزی حاوی اولان اشبو مکونات مشهوده نک

[۱] یرلرک ، کولرک خلقنده ، کوندوز وکیجه نک اختلافنده ارباب عقوله
دلائلر ، علامتلر واردر . او ارباب عقول که قاعد اولسونلر ، قائم اولسونلر
هر حاللرنده ذکر الهیده بولنور وارضک ، سماواتک ایجادینی دوشونورلرده
مناجات ایدرلر : اللهم ! بولری بوشنه خلق ایتدک . سنی تقدیس و تسبیح
ایدرز . بزى عذاب ناردن محافظه بیور .

[۲] بر آن تفکر ، بشوز ییللق عبادتدن خیر لیدر .

برنجیلکی احراز ایدن خطبه وشعر لر ، بیوک کچوک ، ارکک ، قادین ،
هرکسک حافظه احترامنه کچر ، صحرالرده ، بادیه لرده ، چادرلر آتنده
اوقوعیه باشلادی . خطیب وشاعر ایسه ، عومک القشیرینه مظهر
اولوب بیوک بر احترام عمومی قازانوردی . نامی محافل ناسده سویلنوب
حق چولوق چوجق اغزنده بیله تعظیم ایله یاد اولنوردی . خطیب ،
شاعر ایچون بونلر ده عالی بر شرف ، ده بیوک بر رتبه تصور اولتمازدی .
ایام عربی نظم ومطالعه ، اشعار جاهلیه یی تماماً فهم وادراک ایدن ادیبلره
عربک اوزمانلرده قدر قوه کلامیه مالک اولدقلری البت ظاهر در . علوم
ومعارفدن ، مدیتندن دور اولوب امیت حالنده قالمش عربلرک حکمت
ایله اولو خطبه لرینی ، حسیات عالیه ایله طولوشعری لرینی ، اربجالات سویلنمش
شعر و خطبه لرینک صوک درجه یه واصل اولمش فصاحت و بلاغتلرینی
کوروبده حیران اولماق ممکن دکدر .

اعصار جاهلیه ده شعر لر ، خطبه لر پک چوق خصوصلرده تسویه
اموره مدار اولیورلردی . بتون مشکلات سیاسیة وعموم مسائل اجتماعیه
شعر و خطبه لرک تأثیر یله حل اولنوردی . شعر و خطبه لرک افراد قبائل
بیننده الفأ ایتدیکی هیجان ایله عماریه ومقاله لر باشلانینی کبی ، ینه شعر
و خطبه لرک تسکینیه سکونت پذیر اولوردی . دارالندوه کبی رؤسای
عربک جمعیتلرنده عمومی سیاسی مسئله لر اکثریت آرا ایله دکل ، بوفکرک
بیاننده ابراز اولنان بلاغت و فصاحت ایله حل اولنوردی ، یاخود
دها طوغروسی اکثریت هر حالده بلاغت ایله عرض اولنمش فکرک
طرفدار ی اولیوردی .

اشعار و خطبه ک معیشت عربده بیوک تأثیر ی واردی : عربک
تاریخی ، انسانی ، مفاخری هدی اشعار و خطبه ایله محفوظ اولمشدر .
عربک اخلاقی ، عادتی اشعار و خطبه ایله تهذیب قیلنمشدر . اشعار
و خطبه سایه سنده عربک لغتی کسب اتساع ایتمشدر . کنه بوسایه ده
قبائل عربک مختلف لهجه لر ی برلنمشدر . اشعار و خطبه واسطه سیله
فکر عرب کسب قوت ایتمش ، و ظهور نبوتدن اول قبائل عرب آراسنده
فکر توحید ظاهر اولمشدر . قبل البعثه فخر کائنات افندیمز حضرت تدرینک
بعث ورسالتی شعر لر و خطبه لر ایله تبشیر اولنمشدر . مکة مکرمه ده
موسم حجه کعب بن لؤس حضرت تدرینک خطبه لر نده قرب بعثت ایله
بشارت لر ی ، سوق عکاظه جل اجر اوزرنده قس بن ساعده الایادی
حضرت تدرینک خاتم الانبیاء افندمک عنقریب ظهورینی مبین اولان
خطبه لر ی بین الادبا مشهور در .

قرانلی : هلیم ثابت

فلسفه حقه

وُلنی : فرید وجدی

واجبی ادادن صوکره دیرم که : هیئت اجتماعیه یه ایدیله جک
خدمت لرک الک بویوک ، الک شرفلیسی افکار عامه یی معارف حقه ایله
تنویر و تربیه ایتمکدر .